

МЕСЯЦА ДЕКЕМВРИЯ В 6-Й ДЕНЬ
ИЖЕ ВО СВЯТЫХ ОТЦА НАШЕГО НИКОЛАА, АРХИЕПИСКОПА МИР
ЛИКИЙСКИХ, ЧУДОТВОРЦА.

НА ВЕЛИЦЕЙ ВЕЧЕРНИ,

Стихологисуем Блажен муж: 1- й антифон.

На Господи, воззвах, стихиры на 8, глас 2.

Подобен: Егда от древа:

В Мврех пожив чувственно, / мвро воистинну явился еси, / мвром помазався умным, / святе Николае, святителю Христов: / и благоухаеши лица, / верою и любовию твою всеславную память совершающих присно, / разрешая бед и напастей и скорбей сих, отче, / к Богу твоими молитвами.

Победы тезоименит воистинну / верным людем явился еси / в напастех крепок, святе Николае, / святителю Христов: / везде бо призываемь быстро предваряеши, / любовию притекающих под кров твой: / ты бо во дни и нощи верным являеся, / спасаеши от напастей и обстояний.

Явился еси Константину царю, / и Авлакию во сне, / и сим страх вложив, / сице тем рекл еси: / разрешите убо вскоре, / яже держите связанные в темнице, / неповинни бо суть беззаконнаго закления. / Обаче аще преслушаете мене, / мольбу сотворю царю на тя, / ко Господу моляся.

Велий заступник и теплый в бедах / обретающимся еси, / славне, святе Николае, / священнопроповедниче Христов: / сущым на земли и плавающим, / сущым далече и близ обретающимся, / яко зело милостивнейший и молебник крепкий. / темже сошедшеся вопием: / молися ко Господу, / яко да всякаго избавимся обстояния.

Ины стихиры, глас тойже.

Подобен: Киими похвальными:

Киими похвальными венцы увязем святителя? / Плотию в Мврех суца, / и духовно всем достизающа, / чисте того любящим, / всех предстателя и заступника, / и всех скорбных утешителя: / и всех сущих в бедах прибежище, / благочестия столпа, / верных поборника. / егоже ради шатания врагов Христос низложи, / Имеяй велию милость. **Дважды.**

Киими песенными пении похвалим святителя? / нечестия противоборца, / и благочестия поборника: / Церкви первостоятеля, / великаго заступника же и учителя, / вся злославныя посрамляюща: / потребителя Ария и того пособников. / егоже ради сих шатания Христос низложи, / Имеяй велию милость.

Киими пророческими песнями похвалим святителя? / иже далече сушая провидящая, / и отстоящая яко близ сушая пророчествующая неложно, / и всю вселенную назирающая, / и вся обидимыя избавляющая, / во сне явльшася царю богомудрому, / и древле связанныя закования неправеднаго избавльша, / и дарующая велию милость.

Слава, глас 6-й:

Святителей удобрение, / и отцев славу, / источника чудес / и верных заступника великаго, / сошедшеся, о празднолюбцы, / песненными похвалами воспойм, глаголюще: / радуйся, мврьяном хранителю, / и первоседателю честный, / и столпе неподвижимый. / Радуйся, светильниче всесветлый, / иже мiрския концы просвещая чудесы. / Радуйся, скорбящих Божественная радости, / и обидимых теплый предстателю. / И ныне, всеблаженне Николае, / не престай моляся Христу Богу, / о верою и любовию / чтущих приснорадостную и всепразднственную память твою.

И ныне, предпразднства, глас тойже:

Вертепе, благоукрася, / Агница бо грядет чревоносящи Христа: / ясли же подымите словом Разрешившаго / от безсловеснаго деяния нас земнородных. / Пастырие свиряюще свидетельствуйте чудеси страшному: / и волсви от Персиды, / злато и ливан и смирну Царю принесите, / яко явися Господь из Девы Матере. / Емуже и приникши рабски Мати поклонися, / и привещаше к Держимому на объятых Ея: / како всеялся еси мне, / или како прозябл еси во мне, / Избавителю мой и Боже?

По входе прокимен дне и чтения 3.

На литии, стихира храма, и святителя, глас 2:

Правило веры и образ кротости, / яви ты стаду твоему Христос Бог, / святителю Николае: / в Мврех убо благоухающую ти, / всюду сияют светло Божественная твоя исправления, / сирых и вдовиц предстателю. / Темже молися непрестанно, / спасти души наша.

Отче Николае, / мвроположница мощей твоих Мвры обогащает, / в нихже и связанныя неправедно осужденныя, / во сне царю видением твоим явися, / свободил еси от смерти, / и уз, и темницы, / но и ныне, якоже тогда, / и присно видением твоим явися, / моляся о душах наших.

Отче Николае, / аще и Мврская страна молчит, / но мiр весь, иже тобою просвещенный, / мвра же благоухании и чудес множества, / взывает благохвальными песнями: / и спасшиися тобою осужденнии, / с сущими в Мврех и мы, поюще вопием: / моли спастися душам нашим.

Глас 4. Отче Николае, / Пресвятаго Духа мвропоположница сый, / яко в мурех благоухаеши Божественными ароматы: / Христовым бо апостолом подобник бив, / вселенную обходиши словесы чудес твоих: / темже и дальним яко близ, / во сне являясь от смерти избавляеши, / иже неправедным судом умрети имущья, / спасая преславно от бед многих призывающья тя. / Темже и нас от находящих лютых свободы твоими молитвами, / присно восхваляющих тя.

Глас 8. Доблестей твоих преподобне отче / плод просветил есть верных сердца: / кто бо слыша безмерное твое смирение, / терпению не удивися, / еже к нищым кротости, / к скорбящим утешению; / вся Боголепно научил еси святителю Николае, / и ныне неувядаемым венцем увязлся еси, / молися о душах наших.

На хвалу потекл еси Господню, / Николае, / во временней жизни, и Той ты прослави / на Небесней и истинней жизни, / темже дерзновение стяжавше к Нему, / моли спасти души наша.

Слава, глас 6:

Благий рабе верный, / делателю винограда Христова, / ты и тяготу дневную понесл еси, / ты и данный тебе талант возрастил еси, / и по тебе пришедшим не завидел еси. / Темже врата Небесная отверзошася тебе, / вниди в радость Господа твоего, / и моли о нас, / святе Николае.

И ныне, глас тойже:

Сионе торжествуй, / Иерусалиме веселися, / граде Христа Бога, / подими Зиждителя в вертепе и яслех вмещаемаго: / отерзите ми врата, / и вшед в ня узрю яко Младенца пеленами повиваемаго, / дланию же Содержащаго тварь: / Егоже поют Ангели непрестанным гласом, / Жизнодавца Господа, спасающаго род наш.

На стиховне стихиры, глас 5.

Подобен: Радуйся:

Радуйся, священная главо, / чистый добродетелей доме, / Божественнейшаго священства правило, / пастырю великий, / светильниче светлейший, / иже победы нося имя, / и молящимся милостивый преклонитель, / приницай к немощных прошениям, / избавителю готовейший, / хранителю спасительный, / всем верою чтущим преславную память твою, / Христа моли, преблаженне, / низпослати миру велию милость.

Стих: Честна пред Господем * смерть преподобных Его.

Радуйся священный уме, / Троицы чистое обиталище, / столпе Церковный, верных утверждение, / побеждаемым помощь, / звездо, яже сияньми богоприятных твоих молитв, / разоряя напастей же и скорбей тьму всегда, / святителю Николае, / пристанище тихое, / в неже притекающе треволненными / жития одержимии спасаются: / Христа моли, душам нашим дати велию милость.

Стих: Священницы Твои облечутся в правду, * и преподобнии Твои возрадуются.

Радуйся, ревности Божественныя исполнивыйся, / наведения зла избавль
неправедно хотящия умрети, / предстанием страшным и сна запрещеньми, /
источниче источай в Мврех, / Николае, / мвро богатно, и души напоющее, /
смрады же страстей отгоняющее, мечь, / прелести плевелы посекающий, / лопата,
развевающая Ариева плевельная учения, / Христа моли низпослати душам нашим
велию милость.

Слава, глас 6.

Человече Божий и верный рабе, / слуго Господень, / муже желаний, / сосуде
избранный, / столпе и утверждение Церкви, / Царствия наследниче, / не премолчи
вопия за ны ко Господу.

И ныне, глас тойже.

Безневестная Дево, / откуда пришла еси; / кто родивый Тя; кто и мати Твоя; /
како Зиждителя носиши на руку; / како не растлилася еси утробою; / О великих
преславных на Тебе страшных таинств, / на земли совершаемых зрим Всевытая: /
и преуготовляем достойный Тебе долг, / от земли вертеп, и от Небес просим
подати звезду, / и волсви же приходят от востоков земли / к западом видети
человеческое Спасение, / во яслех пеленами повиваемое.

На благословении хлебов, тропарь, глас 4:

Правило веры и образ кротости, / воздержания учителя / яви тя стаду твоему, /
яже вещей истина. / Сего ради стяжал еси смирением высокая, / нищетою богатая:
/ отче священноначальниче Николае, / моли Христа Бога, / спаситися душам
нашим. **Дважды,**

Богородице Дево: **Единожды.**

НА УТРЕНИ,

На Бог Господь: тропарь святителю, дважды.

Правило веры и образ кротости, / воздержания учителя / яви ты стаду твоему, / яже вещей истина. / Сего ради стяжал еси смирением высокая, / нищетою богатая: / отче священноначальниче Николае, / моли Христа Бога, / спаситися душам нашим.

Слава, и ныне, Богородичен.

Еже от века утаенное, / и ангелом несведомое таинство: / Тобою Богородице сущым на земли явился Бог, / в неслитном соединении воплощаемь, / и крест волею нас ради восприим, / имже воскресив первозданного, / спасе от смерти души наша.

По 1-м стихословии седальны, глас 2:

Подобен: Гроб Твой:

В Мирех живой чувственне, иерарше, миром разумно духовным явился еси помазан отче Николае. Темже миры чудес твоих мир облаговонил еси миро приснотекущее проливая, мирными твоими благовонными словесы, и памятью твоею.

Слава: Облиставаеши на земли чудес лучами, Николае мудре, и движеши всяк язык, на славу же и хвалу на земли ты Прославльшаго: Егоже моли всякия нужды избавитися, память твою верою и любовию почитающим, отцев избрание.

И ныне, Богородичен: Всех Творца, Бога же и Содетеля, Всенепорочная Чистая, Духом Божественным в ложеснах, зачала еси, и тления кроме родила еси: Егоже славяще, Ты воспеваем Дево, яко палату Всецаря, и мира защищение.

По 2-м стихословии седальны, глас 4:

Подобен: Явился еси:

Верным предстательствуеши, / покрывая, соблюдая тья, блаженне, / всякия скорби избавляя яве, / иерархов краснейшая славо и хвало, / Николае преподобне.

Слава, глас 8:

Подобен: Премудрости:

Источник чудес отче мудре приемь от Господа, / всем верным источаеши блаженне медоточныя воды: / яко бо пастырь сый и проповедник веры, / истиннаго Пастыря словеса соблюл еси. / Темже дерзновение к Нему имея, человеки спасл еси от смерти, / Николае иерарше блаженне: / моли Христа Бога, / грехов оставление подати чтущим любовию / святую память твою.

И ныне, Богородичен:

В тину впад грехов, / и несть мне постояния, / люте потопа мя буря прегрешений: / но яко рождающая Слово, / единого Человеколюбца, / на мя раба

Твоего призри, и избави мя от всякаго греха, / и страстей душетленных, / и всякаго озлобления лукаваго убийцы, / Богородице Неискусомужная: / моли Христа Бога, грехов оставление дати мне: / Тя бо надежду имам раб Твой.

По полиелеи седален, глас 5:

Подобен: Собезначальное Слово:

Премудраго иерарха восхвалим, / яко тепла в бедах и в скорбех суща / от Бога помощника и защитника, / вси Николаа вернии богоноснаго благочестно: / молится бо Господу, / о верою творящих и поющих божественную память его.

Слава, глас 4:

Подобен: Скоро предвари:

Предстатель теплейший Церкви Христовы / показался еси Николае. / И ересей безбожная разрушая со дерзновением, / и правило показался еси всем православия, / о всех моляся последующих / твоим божественным учением, и наказанием.

И ныне, Богородичен:

Скоро прими Владыце молитвы наша, / и сия принеси Твоему Сыну и Богу, / Госпоже Всенепорочная: / избави обстояний к Тебе притекающих: / сокруши коварства, и низложи дерзость / вооружающихся безбожных Пречистая, на рабы Твоя.

Степенна, глас 4. Антифон 1-й, ихже стихи повторяюще поем:

От юности моя / мнози борют мя страсти, / но Сам мя заступи, / и спаси Спасе мой.

Ненавидящии Сиона, / посрамитесь от Господа, / яко трава бо огнем / будете изсохше.

Слава: / Святым Духом / всяка душа живится, / и чистотою возвышается, / светлеется Троическим Единством священнотайне.

И ныне, тойже.

Прокимен, глас 7:

Прокимен: Честна пред Господем смерть * преподобных Его.

Стих: Что воздам Господеви о всех, яже воздаде ми?

Евангелие от Иоанна, зачало 36.

Рече Господь Своим учеником: **А**зь есмь дверь: мною аще кто внидетъ, спсѣтсѧ, и внидетъ и изыдетъ, и пажить ѡбръщеть. **Т**ако не приходитъ, развѣ да оукрадетъ и оубіетъ и погубитъ: азь прїидохъ, да животъ ѣмдтъ и лишше ѣмдтъ. **А**зь есмь пастырь добрый: пастырь добрый дѡшд своѡ полагаѣтъ за овцы: а

наёмникъ, ѿже нѣсть пастырь, емѡже не сѣтъ о́вцы своѡ, видитъ во́лка гра́дѡца и ѡставляѣтъ о́вцы и вѣгаетъ, и во́лкъ расхититъ ихъ и распѡдитъ о́вцы: а наёмникъ вѣжитъ, ѿкѡ наёмникъ е́сть и нерадитъ ѡ о́вцахъ. **А**зъ е́смь пастырь добрый: и знаю моѡ, и знаютъ мѡ моѡ: ѿкоже знаетъ мѡ о́цъ, и азъ знаю о́ца: и дѡшѡ мою полагаю за о́вцы. **И** ѿны о́вцы ѿмамъ, ѿже не сѣтъ ѡ дворѡ сегѡ, и тѡмъ мѡ подобѣетъ привести: и гласъ мой о́услышатъ, и вѡдетъ е́дино ста́до (и) е́динъ пастырь.

По 50-м псалме

Слава: / Молитвами апостолов, / Милостиве, очисти / множества согрешений наших.

И ныне: / Молитвами Богородицы, / Милостиве, очисти / множества согрешений наших.

Таже, глас 6: Помилуй мя Боже / по велицей милости Твоей, / и по множеству щедрот Твоих / очисти беззаконие мое.

Стихира, глас 6:

Наследниче Божий, / сопричастниче Христов, / служителю Господень, / святе Николае, / по имени твоему тако и житие твое: / спросия бо седине разум, / свидетельствоваше светлость лица твоего / душевное незлобие, / извествоваше кротость слова молчаливое. / Жизнь твоя славна, / и успение со святыми: / моли о душах наших.

Канон Богородицы со ирмосом на 6. И святаго два канона на 8.

Песнь 1, глас 5.

Ирмос: Песнь победную поим вси Богу, / сотворшему дивныя чудеса мышцею высокою, / и спасшему Израиля: / яко прославися.

Премудрости бездну Роджшая, капли мудрости ми источник благодатно точащий Чистая низпосли, песнословити благодатей Твоих пучину.

Пою Тя, Всепетая, Юже воспевают ангелов чини: яко Бога Роджшую Препетаго, Егоже вся тварь воспевае, яко прославися.

Ин канон святителю, глас 2, песнь 1.

Ирмос: Во глубине постла иногда, / фараонитское всевоинство преоруженная сила, / воплощенное же Слово / всезлобный грех потребило е́сть: / Препрославленный Господь / славно бо прославися.

Венценосец престолу Христову, премудре Николае, предстоя со Ангельскими воинствы, просвещение ми даруй, озаряющее души моя омрачение, яко да восхваляю радуяся твою всеблаженне память.

Прославляй вся Господь Того славящая, ты верным прибежище даде, напастей избавляющая притекающих к твоему крову, Николае, и призывающих ты верою и любовью, преславне.

Богородичен: Сравнитися желание ми вложив змий вселукавый, Содетелю, яко пленника восхити, Тобою же Всечистая, возван бых, обожився истиннейше: Ты бо, о Богомати, мене Обожившаго родила еси.

Другий канон, глас 1. Песнь 1.

Ирмос: Христос рождается, славите. / Христос с Небес, срящите. / Христос на земли, / возноситеся. / пойте Господеви вся земля, / и веселием воспойте, людие, / яко прославися.

Недоуменным языком и устнами, похваление малое и моление принести твоему, Николае, приидох Богоподражанному преизяществу: но яко Богатодавец, Спаса и Бога Милостива подаждь ми.

Человек сый Небесный, равноангелен на земли явился еси, вдов защитник готовый, и утруждаемых отмститель, и всем скорбящим в бедах помощник, отче Николае.

Сказует вся подсолнечная Николае треблаженне, чудеса твоих добродетелей пучину: нищии предстателя, и сироты и вдовы питателя, и слепии путевожда, вси же поборника.

Троицен: Троицу чествую Несозданную, Отца и Сына со Духом, существо просто, Божество, естество несекомое существенно, три Упостаси, разделяя лично и по Упостаси.

Богородичен: Безсеменно Слово зачала еси, Единаго от Троицы Всенепорочная, и Сего плотию родила еси, пребывши по Рождестве Дева яко и прежде: Сего яко Сына Твоего и Бога о нас присно моли.

Катавасия: Христос рождается, славите. / Христос с Небес, срящите. / Христос на земли, / возноситеся. / пойте Господеви вся земля, / и веселием воспойте, людие, / яко прославися.

Песнь 3.

Ирмос: Да утвердится сердце мое / в воли Твоей Христе Боже, / Иже нас ради Небо утверждет второе, / и основавый на водах землю Всесильне.

Небес Чистейшее Царево Обителище, благодатно дышущий воистинну и благовонный раю, Надежду христиан, Богородительницу мою воспеваю.

Словом Слово породила еси, словом все к существу приведшаго словесное естество, купно и безсловесное, безсловесия избавляющего человеки, Всеблагословенная.

Ин.

Ирмос: Процвела есть пустыня яко крин, Господи, / языческая неплодящая церковь, / пришествием Твоим, / в нейже утвердися мое сердце.

Николае блаженне, Владыки искренний ученик ты быв, спасаеши к тебе притекающия от лютых бед и смерти горькия.

Очисти рабы Твоя, грехов оставление яко Благ даруя, Николаа Твоего угодника, яже к Тебе ходатайствы, Многомилостиве.

Богородичен: Утоли смущение души моя, Пречистая, и жизнь окорми, Всесвятая, Бога Рождшая, в Немже утвердися сердце мое.

Ин.

Ирмос: Прежде век от Отца Рожденному нетленно Сыну, / и в последняя от Девы Воплощенному безсеменно / Христу Богу возопиим: / вознесый рог наш, / свят еси, Господи.

Скрижаль в сердца стяжав Богомудре многих добродетелей, написану бессмертным и пречистым перстом Христа Бога, Николае, паче меда и сота сладость точиши из устен твоих.

Показа благодать на тебе преславне чудеса Николае: чистое бо житие твое воистинну злата светлейши, облистает мрачныя души зарею Божественнаго Духа.

Живеши и по смерти, во снех яве являяся, и юношы от смерти преславно избавил еси, вопия яве царю: не обиди мужей, суетною завистию оклеветанных.

Троицен: Милостива буди ми Всесвятая Троице Боже наш, безмерными прегрешении осквернившему житие, Отче, Сыне, и Душе Живый, соблюдающи мя отсюду, и присно неуязвлена от скорби.

Богородичен: Даеши Богородице надежду рабом Твоим, и в нуждах и напастех скоротечными молитвами соблюдатьи и помогати предстани: Ты бо еси Похвала нам верным, Приснодево.

Катавасиа: Прежде век от Отца Рожденному нетленно Сыну, / и в последняя от Девы Воплощенному безсеменно / Христу Богу возопиим: / вознесый рог наш, / свят еси, Господи.

Седален, глас 8.

Подобен: Премудрости:

Возшед на высоту добродетелей, божественными оттуду отче озарився сиянии чудес, пресветел воистину явился еси мірови пастырь, нам в напастех сый престатель непобедимъ: темже преславно врага победив, лжу отгнал еси и человеки спасл еси от смерти, Николае. Моли Христа Бога, грехов оставление даровати, чтущим любовию святую память твою.

Слава, другий седален, глас тойже:

Реку исцелений обильно изливающую, и источник тя чудес неоскудный показа Николае, милости бездна: тяжкими бо недугами горце дручими, и злючеными жития люте мучимии, всякия скорби целебную воистинну обретают лечбу, теплое твое защищение. Сего ради вопием ти: молися Христу Богу, прегрешений оставление даровати празднующим любовию святую память твою.

И ныне, Богородичен.

Яко Деву и Едину в женах Тя без семене рождшую Бога плотию, вси ублажаем роди человечести: огнь бо вселися в Тя Божества, и яко младенца доиши Зиждителя и Господа. Тем ангельский и человеческий род достойно славим Пресвятое Рождество Твое, и согласно вопием Ти: моли Христа Бога грехов оставление даровати, поклоняющимся верою Пресвятому Рождеству Твоему.

Песнь 4.

Ирмос: Духом провидя пророче Аввакуме, / Словесе воплощение, / проповедал еси вопия: / внегда приблизитися летом, / познаешися, внегда приити времени, покажешися, / слава силе Твоей, Господи.

Смерти убо вина земным Ева бысть, советом змия: Ты же Дево Чистая, Рождшая словом Слово, безсмертия и жизни Ходатаица явилася еси, темже достойно поем Тя.

Духом праотцы предзряще Тя, Чистая, гору, дверь, трапезу, Святый Кивот, свещник, престол жизни, стамну и одр, Божию Матерь в гаданиих Тя проявиша: ихже мы зрим сбытие.

Ин.

Ирмос: Пришел еси от Девы, / не ходатай, ни ангел, / но Сам, Господи, воплощься, / и спасл еси всего мя человека, / тем зову Ти: / слава силе Твоей, Господи.

Приблизився чисте зарям духовным, светоносец был еси, міра просвещающа концы, всем предстательствуя, и вся спасающа верою к тебе притекающа.

Избавляя от смерти, яко явился еси первее Николае, юноши преподобне: тако и ныне мя спаси от всякаго обстояния, и напастей и бед, всеблаженне.

Облистал еси добродетелей сияньми всеблаженне, подражатель всеизряднейший твоего Владыки быв, спасаеши же призываемъ, благоговением и любовию тя славящия.

Богородичен: Найде на Тя Владыка твари Воплощаемъ, и спасающа яко Благоутробен всего мя человека: темже вернии Богородицу Тя славим.

Ин.

Ирмос: Жезл из корене Иессеова, и цвет от него, Христе, / от Девы прозябл еси, из горы хвальный приосененныя чащи, / пришел еси воплощся, / от Неискусомужныя, / Невещественный Боже: / слава силе Твоей, Господи.

Именованіе твое едино воистинну призываемо, от всех вражих совет скоро избавляет зовущыя тебе тепле, священне Николае: яко первее воеводы избавил еси, спаси и нас от всякаго лютаго обстояния.

Престолу предстоя Божию, молити прилежно мудре не престаи, о всех нас твоих верных рабех, чудне Николае: да огня вечнаго избавимся, и от врагов, языка лукаваго и озлобления.

Врачеванія точиши всюду верою к тебе притекающим и от уз избавляеши вся. темже печаль нашу в радость преложи, твоими богоприятными молитвами, Николае пресветле, низлагая гордость врагов наших.

Троицен: Безначальнаго Божества начало Отца, и Сына чту, и Духа почитаю Всесвятаго: всяческих Вседетельное, Единственное, Несекомое, трети характери и лица разделяемо присно, Едино Царство Нераздельное.

Богородичен: Ты воистинну паче земных и небесных Честнейши, Едина еси, Богородительнице: всех бо Творца во утробе зачала еси, плотию вещною одеянна, рождши без семене. О новолепнаго зрениа!

Катавасиа: Жезл из корене Иессеова, и цвет от него, Христе, / от Девы прозябл еси, из горы хвальный приосененныя чащи, / пришел еси воплощся, / от Неискусомужныя, / Невещественный Боже: / слава силе Твоей, Господи.

Песнь 5.

Ирмос: Светлый нам возсияй свет присносущный, / утренюющим о судьбах заповедей Твоих, / Владыко Человеколюбче, Христе Боже наш.

Яко Кивот честная священія, и яко огнеобразный Престол свят, и яко Палата освященна Владычице, вместила еси Бога Вседержителя.

Мати Неискусомужная в девах, Ты паки Дева в матерех, Едина Пречистая, явилася еси: Бога бо неизреченно родила еси естество воздающаго.

Ин.

Ирмос: Просвещение во тьме лежащих, / спасение отчаянных, Христе, / Спасе мой, к Тебе утренюю, Царю мира, / просвети мя сиянием Твоим: / иного бо разве Тебе Бога не знаю.

Боголепным житием, трблаженне, просвещаемь, осужденныя неправедным изречением умрети, представ, избавил еси, Владыце Христу зовущия: иного бо разве Тебе Бога не знаем.

На Небесех присносущную славу ныне зря, и неизглаголанная и Божественная зари светлейшими наслаждаясь сиянии, покрый мя предстательством твоим, преподобне, угодниче Христов всечестне.

Богородичен: Да Твой възыщеш образ, погребенный страстьми, Спасе, небесных утаився сил, воплощся из Девы, явился еси Тебе зовущим: иного разве Тебе Бога не знаем.

Ин.

Ирмос: Бог сый міра, Отец щедрот, / великаго совета Твоего Ангела, / мир подавающа, послал еси нам: / тем богоразумия к свету наставльшеса, / от ноши утренююще, славословим Тя, / Человеколюбче.

Проповедует твоя отче чудеса, ныне Мвр величайша митрополия, и лувкийская епархия, и вся отечествия твоя чудодейства: имиже вся от болезней и скорбей избавляеши, богоблаженне Николае.

Питатель вдов, и отец сирот, помощник сущым в скорбех всеизряднейший, плачущым утешение, пастырь и путевождь блудящих Николае сый, и нас твоими молитвами от бед избави.

Преставился еси от земли к невещественным обителем, идеже зриши доброту неизреченную Христову, и ангельским воинством собеседник явился еси. Темже со апостолы и с мученики ликуя, прилежно Владыце всех, отче Николае, о нас молися.

Троичен: Собезначальная Три, Единопрестольная, Нераздельнаго же Единого Божества славлю самовластная Лица яве. Имже из не сущаго приведохся во еже быти, со ангелы зовый: Свят, Свят, Свят еси Господи.

Богородичен: Человеком Спасение всем и упование, Яже предваряющи Едина и спасающи, помози и ныне нам вопиющим Тебе Чистая, и призывающим Тя присно во обстоянии лютых: Предстательницы бо иныя разве Тебе по Бозе не имамы.

Катавасия: Бог сый міра, Отец щедрот, / великаго совета Твоего Ангела, / мир подавающа, послал еси нам: / тем богоразумия к свету наставльшеса, / от ноши утренююще, славословим Тя, / Человеколюбче.

Песнь 6.

Ирмос: Пророка Иону подражая, / вопию: / живот мой Блаже, свободи из тли, и спаси мя, / Спасе міра, зовуща: слава Тебе.

Заступление верных, и печальных радостное веселие, радостию обогати духовную рабы Твоя, желающыя заступления Твоего.

Небо словесное, Храм пречестный, святой Кивот, краснейший Божий рай, в немже древо жизни моя, да поется.

Ин.

Ирмос: В бездне греховней валяясь, / неисследную милосердия Твоего призываю бездну, / от тли, Боже, мя возведи.

Иже победы Николае, венец на твоём версе достойно положися: яко победитель убо изряднейший, ты призывающия спаси.

Умерщвлена мя, блаженне, прегрешеньми, и страстей треволнеными погружаема, явився спаси ко пристанищу Божественныя воли.

Богородичен: На Тя надежды возложих Мати Приснодево, спасения моего, и Тя Предстательницу полагаю жизни, твердо же и непоколебиму.

Ин.

Ирмос: Из утробы Иону младенца изблева / морской зверь, якова прият: / в Деву же всельшееся Слово, / и плоть приемшее пройде сохраншее Нетленну. / егоже бо не пострада истления, / Рождшую сохрани неврежденну.

Новый явился еси Авраам, Николае, яко яко едиnorodна бо ныне привел еси сына Владыце Твоему, безкровныя жертвы принося присно. Отнудуже благословился еси яко страннолюбец Отче, и Троицы был еси обитель божественна и непорочна.

Странна и ужасна содеваеши чудеса Николае, по всей земли, и в мори далече бедствующим скоротечными молитвами предстательствуя, немощным врач, и нищим питатель, победы на враги тезоименит людям верным являясь.

Оком умным провидя будущая, учений правых наполнил еси вся концы: Единосушна Отцу Сына возвещающая нам, Ариево неистовство потребил еси, столп православныя веры, честная твоя предложив исправления.

Троицен: Чту и почитаю Троицу Нераздельную, трими Лицы разделяемую присно, соединяемую же Существом и Естеством, яко едино Начало, Отца и Сына и Духа Святаго, всеми державно Владычествующую, и вся соблюдающую, яко хочет.

Богородичен: Весь воплощся во утробе Твоей, Пречистая, Христос Бог, без семени родися: не стерпе бо Своих рук создание зрети от лъстиваго мучимо, прииде разобзрачным образом человеческий род избавити.

Катавасиа: Из утробы Иону младенца изблева / морской зверь, якова прият: / в Деву же всельшееся Слово, / и плоть приемшее пройде сохраншее Нетленну. / егоже бо не пострада истления, / Рождшую сохрани неврежденну.

Кондак, глас 3.

Подобен: Дева днесь:

В Мврех святе священнодействователь показался еси, / Христово бо преподобне Евангелие исполнив, / положил еси душу твою о людех твоих, / и спасл еси неповинныя от смерти. / Сего ради освятился еси, яко великий таинник Божия благодати.

Икос: Воспоим ныне святителя песньми, мврским людем пастыря и учителя, да молитвами его просветимся: се бо явися чист весь, нетленен духом, Христу принося жертву непорочну, чисту, Богу благоприятну: яко святитель очищен и душею и телом, темже сый истинно Церкви предстатель и поборник Сея, яко великий таинник Божия благодати.

Песнь 7.

Ирмос: Пещь Спасе орошашеся, / отроцы же ликующе пояху: / отцев Боже, / благословен еси.

Высочайший, Небо Тя одушевленное, Чертог же, Чистая, благодатно окружен, златообразную порфиру и рай показа.

Утверди ума моего вращение, помышление мятежно укрепи на недвижимом камени, Покровом Твоим, Мати Дево.

Ин.

Ирмос: Образу златому на поле Деире служиму, / трие Твои отроцы небрегоша безбожнаго веления, / посреде же огня ввержени, орошаеми, пояху: / благословен еси, Боже отец наших.

Острому искушению впадох, и люте пострекаемь, и ко вратом ада приближихся, скорбьми поражаемь, спаси мя молитвами твоими, блаженне, и возстави поюща: благословен еси Боже отец наших.

Незаходимаго света Невещественными лучами облистаемь, сущия во тьме скорбей озлобленныя исхити, и к просвещению веселия настави поющия: благословен еси Боже отец наших.

Богородичен: Моли Христа, Сына Твоего и Бога, Дево Богородительнице, проданныя лютыми прегрешеньми и лестьми змиинными, Кровию Его честною избавитися поющим: благословен еси Боже отец наших.

Ин.

Ирмос: Отроки благочестию совоспитани, / злочестиваго веления небрегше, / огненнаго прещения не убояшася, / но посреде пламене стояще, пояху: / отцев Боже, благословен еси.

Всяких лютых недуг врачь всеизряднейший отче Николае, явився, души моя немощь исцелив, подаждь ми благоздравие, вопити: отцев Боже благословен еси.

Избавив древле воеводы от смерти святе, тыя воздвигл еси пети и славити Спаса Христа с верою теплою, иже и взываху: отцев Боже, благословен еси.

Премудрости чаши приблизився таинственно, устнами твоими отче Николае, капли одождения почерпл еси, паче меда и сота, людем повелевая вопити: Отцев Боже, благословен еси.

Троицен: Троице, Тя воспевает Единице Трисиятельнойшая Единосущная, Отче, Сыне и Душе Святой: в нихже вси крестившеся воспевает: отцев Боже благословен еси.

Богородичен: Яко всех тварей вышши еси Богородице, молися Твоему Сыну и Богу, избавитися муки чествующим Тя воистинну, и славящим: отцев Боже, благословен еси.

Катавасия: Отроки благочестию совоспитани, / злочестиваго веления небрегше, / огненнаго прещения не убояшася, / но посреде пламене стояще, пояху: / отцев Боже, благословен еси.

Песнь 8.

Ирмос: Егоже ужасаются ангели, / и вся воинства, / яко Творца и Господа, / пойте священницы, прославите, отроцы, / благословите людие, и превозносите во вся веки.

Яко одушевленный чертог, и вдохновенная червленица, хламида червленошарная всех Царя явилася еси Дево, и Порфира, из Неяже плоть сопросия Богочеловека Слова.

Зачала еси Пречистая, всю тварь горстию содержащаго, яко Зиждителя и Бога, неизреченно, непостижно, нас ради по нам Человека бывша, и еже бе не отступльша.

Ин.

Ирмос: В пещь огненну ко отроком еврейским снизшедшаго, / и пламень в росу преложшаго Бога, / пойте, дела, яко Господа, / и превозносите во вся веки.

Яко благ и сострадателен, во глубине напастей люте содержимыя свободи, блаженне Николае, от содержащих лютых разрешение подая молитвами твоими, яже ко Спасу Христу, священнотаинниче.

Тайновождь сущих паче ума, святых служитель и Небесных сый богомудре, архиерей же верен, прегрешений оставление проси от Спаса нашего, священноявленне.

Богородичен: Изнемогает мой ныне ум, во глубину впад безчестия, яко отсюда различными объят есмь злыми: но Ты, Дево, исцели, безстрастия светом одевающи.

Ин.

Ирмос: Чуда преестественнаго / росодательная изобрази пещь образ: / не бо, яже прият, палит юныя, / яко ниже огонь Божества Девы, / в Нюже вниде утробу. / тем воспевающе воспоем: / да благословит тварь вся Господа, / и превозносит во вся веки.

Чини патриархов, и апостолов, и священномучеников собори, и пророков сословие, весь собор постнический блажат Божественное житие твое, с нимиже и мы вопием: да благословит тварь вся Господа, и превозносит Его во веки.

Высочайший Всецарю Великодержавне, молитвами преподобнаго пастыря, жизнь умири всех Слове христиан, поборствуя православным христианом, да Тебе Христу зовем: да благословит тварь вся Господа, и превозносит во вся веки.

Светом просвещься неприступным отче, души сущих в скорби озаряеши, разоряя всю мрачную тьму напастей, облистав же веселием сердца наша, имиже далечесиятельно просвещаемы, вопием: да благословит тварь вся Господа, и превозносит во вся веки.

Троицен: Живот и животы, и Един и Три Светы, Троицу верно воспеваем, отеческим последующе Божественным истинно учением, Отца, и Сына, и Духа Святаго, с нимиже благочествующе воспоем: да благословит тварь вся Господа, и превозносит во вся веки.

Богородичен: Чудо страннелепно, купина образ прообрази Чистая Отроковице, горящи неопально древле на горе Синайстей, тайну Рождества Твоего прописующи: огонь бо в Тя Божества вселивыйся невредну Тя соблюде, Егоже воспеваем во вся веки.

Катавасия: Чуда преестественнаго / росодательная изобрази пещь образ: / не бо, яже прият, палит юныя, / яко ниже огонь Божества Девы, / в Нюже вниде утробу. / тем воспевающе воспоем: / да благословит тварь вся Господа, / и превозносит во вся веки.

Песнь 9.

Ирмос: Живоприемный Источник приснотекущий, / светоносный Светильник благодати, / Храм одушевленный, / Сень Причистую, небесе и земли пространнейшую, / Богородицу вернии величаем.

Струю благодати Твоя источи ми, пламенем злоклучений опаляему, и люте истаяваему, источниче благодатно точащий, Рождшая Реку благодатей: из Неяже пий, вжаждется никогдаже.

Яко жениха Тя красный Чертог, яко Владычню палату одушевленну, яко Порфиру всезлатую, яко краснейшее обителище Христова, Владычице всех, умоляющаго Тя спаси мя.

Ин.

Ирмос: Безначальна Родителя Сын, Бог и Господь, / воплощься от Девы нам явися, / помраченныя просветити, / собрати расточенныя, / Тем Всепетую Богородицу величаем.

Свещами благодати Богомудре просвещаемь, и светильнику благочестия яве был еси, сущия в напастех спасаеши, и сущия во глубине морстей избавляеши, и питаеши алчущия преславно, всеблаженне.

Иже в раи сладости ныне водворяяся, и неизреченную славу ясно зря, от Небесных круг певцы твоя назираеши, от страстей избавляя, богоносе всеблаженне.

Богородичен: Премудрость, и Силу, и Слово Ипостасное Отчее, Богомати Чистая родила еси, от Твоих Пречистых кровей Свой Храм Приимшую, и сему по соединению соединившуюся нераздельно.

Ин.

Ирмос: Таинство странное вижу и преславное: / небо, вертеп: / престол херувимский, Деву: / ясли, вместилище, / в нихже возлеже / Невместимый Христос Бог, / Егоже воспевающе величаем.

Ликовствуем духовно вси празднлюбцы, небеса веселитесь, горы же и холми, церкви и дев лица, и постников светлость, в памяти всеблаженнаго: в нейже сошедшеся, Спаса величаем.

Да поют песньми непрестанно вси концы, похвальными венцы верх Николаа украшающе яве, угодника Христа Бога: егоже молитвами от страстей же и бед да избавимся.

Яко достойное прими пение, Николае, малаго труда сего, якоже Христос прият вдовы два лепта: не возгнушайся окаяннаго страстьми, не гордяся бо, треблаженне, дерзнух.

Троицен: Соединяется единосущною волею Троица: разделяется жа паки лично нераздельне, соблюдающи державу присно, Отец, Сын и Дух Живый, Един Триипостасный Бог, Егоже величаем.

Богородичен: Потребися всякая печаль Рождеством Твоим, и отъят Господь рыдание и плачь, и всяку слезу от всякаго лица земнородных, Чистая Богородице Неискусобрачная: о Тебе и мы долги исполняем.

Катавасия: Таинство странное вижу и преславное: / небо, вертеп: / престол херувимский, Деву: / ясли, вместилище, / в нихже возлеже / Невместимый Христос Бог, / Егоже воспевающе величаем.

Светилен.

Подобен: Жены услышите:

Великаго архипастыря и иерарха вси, предстоятеля Мирликийскаго Николаа восхвалим: многи бо мужы спасе неправедно умрети имущыя: и царю является со Авлавием во сне, реша неправденый суд.

Слава: Вельми тя прослави в чудесех Господь, и жива и по конце, иерарше Николае: кто бо от любве веры токмо имя твое призовет, и не абие услышан, тепла ты предстателя обратает;

И ныне, Богородичен: Мудрость Упостасную, и слово Пресущественное, и Врача всех Христа рождши, Дево, гноения и язвы души моя исцели лютыя и многовременныя, и сердца моего страстная помышления умертви.

На хвалитех стихиры на 6, глас 1,

Возрев неуклонно на высоту разума, / и узрев неявленно премудрости глубину, / твоими ученьми мир обогатил еси отче, / о нас присно молися Христу, / святителю Николае.

Человече Божий и верный угодниче, / и строителю Того Таин, / и мужу желаний духовных, / столпе одушевленный, и вдохновенный образ: / яко Божественное бо сокровище / ты Мирская Церковь чудящися прияла еси, / и молитвенника о душах наших.

Ины стихиры, глас тойже:

Подобен: Небесных чинов:

Церковныя цветы облетая, / якоже птенец вышняго гнезда ангельскаго, / Николае треблаженне, / зовещи присно к Богу о всех нас, / иже в нужных бедах и искушениях, / и избавляещи молитвами твоими.

Священныя одежды красоту, / деятельными соделал еси добродетельми светлейшую, / отче богоносе. / Темже нам священнодействуещи дивная, / славных чудес священнодетелю, лютых избавляя ны.

Невидимых доброты проходя, / страшную ону разумел еси славу святых, святые. / Темже нам небесная словеса, / присноживотных оных видений являещи, / священнейший отче.

Яко во сне предстал еси благочестивому царю, / и оузники, отче, от смерти избавил еси: / молися непрестанно, яко да и ныне молитвами твоими, / избавимся от искушений и бед и болезней, / достойно благохвалящии ты.

Слава, глас 5:

Вострубим трубою песней, / възыграем празднственная, / и ликовствуем радующеся в молебное торжество богоноснаго отца. / Цари и князи да стекутся, / и иже сонным страшным явлением царя премирающа, / неповинно держимыя три

отпустить воеводы, да воспоют. / Пастырие и училие добраго Пастыря, / подобноревнительна пастыря, / сошедшеся восхвалим. / Иже в недузех врача, и иже в бедах избавителя, / грешнии заступника, / нищии сокровище, / и иже в скорбех утешителя, / спутника путешествующии, / на мори сущии правителя, / и вси везде тепле предворяюща, / великаго святителя восхваляюще, сиче рцем: / пресвятыи Николае, / предвари и избави ны от настоящия беды, / и спаси стадо твое молитвами твоими.

И ныне, Богородичен, подобен.

[Творение патриарха Германа:]

Вострубим трубою песней: / приникши бо свыше Всецарица Мати Дева, / благословенными венчевает воспевающия Ю. / Царие и князи да стекутся, / и Царице да восплещут в песнях, / Царя рождшей, иже смертию держимыя первее, / разрешити человеколюбно благоволившаго: / пастырие и училие, добраго Пастыря / Пречистую Матерь сошедшеся восхвалим. / свещник златозарный, светоносный облак, / небес пространнейшу, одушевленный кивот, / огнезрачный Владычень престол, / манноприемную златую стамну, / затворенную Слова дверь, / всех христиан прибежище, / песнями богогласными похваляюще, / сиче рцем: палато Слова, сподоби смиренных нас Небеснаго Царствия: / ничтоже бо невозможно ходатайству Твоему.

На Литургии

Блаженны от канона, песни 3-я и 6-я.

- 1.** Николае блаженне, Владыки искренний ученик ты быв, спасаеши к тебе притекающия от лютых бед и смерти горькия.
- 2.** Очисти рабы Твоя, грехов оставление яко Благ даруя, Николаа Твоего угодника, яже к Тебе ходатайствы, Многомилостиве.
- 3.** Скрижаль в сердцах стяжав Богомудре многих добродетелей, написану безсмертным и пречистым перстом Христа Бога, Николае, паче меда и сота сладость точиши из устен твоих.
- 4.** Показа благодать на тебе преславне чудеса Николае: чистое бо житие твое воистинну злата светлейши, облистает мрачныя души зарею Божественнаго Духа.
- 5.** Иже победы Николае, венец на твоём версе достойно положиши: яко победитель убо изряднейший, ты призывающия спаси.
- 6.** Умерщвленна мя, блаженне, прегрешеньми, и страстей треволненьми погружаема, явився спаси ко пристанищу Божественныя воли.
- 7.** Новый явился еси Авраам, Николае, яко яко единородна бо ныне привел еси сына Владыце Твоему, безкровныя жертвы принося присно. Отнудуже благословился еси яко страннолюбец Отче, и Троицы был еси обитель божественна и непорочна.
- 8.** Странна и ужасна содеваеши чудеса Николае, по всей земли, и в мори далече бедствующим скоротечными молитвами предстательствуя, немощным врачь, и нищым питатель, победы на враги тезоименит людем верным являеши.

Тропарь, глас 4:

Правило веры и образ кротости, / воздержания учителя / яви ты стаду твоему, / яже вещей истина. / Сего ради стяжал еси смирением высокая, / нищетою богатая: / отче священноначальниче Николае, / моли Христа Бога, / спаси души наших.

Кондак, глас 3.

В Мврех святе священнодействователь показался еси, / Христово бо преподобне Евангелие исполнив, / положил еси душу твою о людех твоих, / и спасл еси неповинныя от смерти. / Сего ради освятился еси, яко великий таинник Божия благодати.

Прокимен, глас 7:

Прокимен: Возвеселѣтсѧ прѣвникъ ѡ гдѣ и ѡповѣетъ на него̀.

Стих: Ѳслыши, вѣже, гласъ мой, внигда̀ моли́тимсѧ къ тебѣ.

Апостол к Евреем, зачало 335.

Бра́тїе: Повинѣйтесѧ настѣвникѡмъ ва́шимъ и покарѣйтесѧ: тїи бо вѣдѣтъ ѡ дѡша́хъ ва́шихъ, ѣкѡ сло́во возда́ти хотѣще: да съ радостїю сїѐ творѣтъ, а̀ не воздыха́юще, нѣсть бо полѣзно ва́мъ сїѐ. **Моли́тесѧ ѡ насъ:** ѡповѣемъ бо, ѣкѡ добрѣ̀ со́вѣсть ѣмамы, во всѣ́хъ до́брѣ́хъ хотѣще жити. **Ли́шше же молю̀,** сїѐ творѣте, да вскорѣ̀ ѡустро́юсѧ ва́мъ. **Бѣ́** же міра, возведы́и и́з мѣртвѣхъ па́стырѧ ѡвца́мъ вели́каго кро́вїю завѣ́та вѣчнагѡ, гдѣ́ на́шего і́иса хрѣ́та, да соверши́тъ вы во всѣ́хъ дѣ́лѣ́хъ бл҃гѣ́хъ, сотвори́ти волю̀ е́гѡ̀, творѣ́ въ ва́съ бл҃годо́бное пре́д нимъ і́исъ хрѣ́томъ: е́мѡже сла́ва во вѣ́ки вѣ́ковъ. **Ами́нь.**

Аллилуя, глас 4: Сцѣ́нницы твоѧ ѡблекѡтсѧ пра́вдою, и прѣ́внїи твоѧ возра́дѡютсѧ.

Стих: Ѣкѡ и́збра̀ гдѣ́ сїѡна, и́зволи и въ жили́ще себѣ́.

Евангелие Луки, зачало 24:

Во время оно, ста **Иисѡс** на мѣстѣ́хъ ра́внѣхъ: и наро́дъ ѡучѣ́къ е́гѡ̀, и мно́жество мно́го лю́дїи ѡ́ всеѧ і́уде́и и іе́рлїма, и поморїѧ́ тѣ́рска и сїдо́нска, и́же прїи́доша посла́шати е́гѡ̀ и и́зцѣ́лїтисѧ ѡ́ недѡгъ своѣ́хъ, и стра́ждѡщїи ѡ́ дѡхъ нечїстѣ́хъ: и и́зцѣ́лѣ́хсѧ. **И** вѣ́сь наро́дъ и́скаше прика́сатисѧ е́мѡ: ѣкѡ сі́ла ѡ́ негѡ́ и́схожда́ше и и́зцѣ́лѣ́ше всѧ́. **И** то́и возвѣ́дъ Ѧчи своѧ на ѡучѣ́кї своѧ́, глаше: бл҃же́ни ни́щїи дѡ́хомъ: ѣкѡ ва́ше е́сть црѣ́твїе бж҃їе. **Бл҃же́ни,** ѡчѡщїи нѣ́хъ: ѣкѡ насы́титесѧ. **Бл҃же́ни,** пла́чѡщїи нѣ́хъ: ѣкѡ возми́бетесѧ. **Бл҃же́ни,** ѡчѡщїи нѣ́хъ: ѣкѡ насы́титесѧ. **Бл҃же́ни,** пла́чѡщїи нѣ́хъ: ѣкѡ возми́бетесѧ. **Бл҃же́ни** вѡ́детѣ, е́гда возненавї́дѡтъ ва́съ чело́вѣцы, и е́гда разо́чѣтъ вы и поно́сѡтъ, и пронесѡ́тъ ѣма́ ва́ше ѣкѡ зло̀, сїа чл҃вѣ́ческагѡ ра́ди. **Возра́дѡйтесѧ** въ то́и де́нь и взыгра́йте: се́ бо, мзда́ ва́ша мно́га на нѣ́сї. **По** сїмъ бо творѣ́хъ пррѡ́кѡмъ Ѧтцѣ́и ѣхъ.

Причастен: Въ па́мѧть вѣ́чною вѡ́детъ прѣ́вникъ, ѡ́ слѡ́ха зло̀ не ѡубої́тсѧ: